

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Menippus sive dialogorum satyricorum centuria  
inanitatum nostrativum speculum**

**Andreä, Johann Valentin**

**Cosmopoli [i.e. Straßburg], 1618**

62. Horoscopvs

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

enim ut olim ita hodie donorum æstimatio est, sed munerum, ut nisi præces auro suffulcias, amplius etiam irrites. A. Christus aliter, quem precibus nunquam fatigabis, & cui quovis angulo nunquam eris obscurus. B. Sed an expectantium etiam tabulam habet, quam sicubi opus homine habet inspiciat? A. Iterum tu ad homines devolveris. At memineris Christi negotio nunquam idoneos defuturos: te vero sicubi idoneus videris, nusquam satis latere posse.

## 62. HOROSCOPIVS.

A. I Tané astris nihil in me benevolentia, nihil æquitatis? B. Quid stomacharis? A. Obsecro te adedum mihi, ut cælo irascamur. B. Cælo verò? A. Vtique, quod tam inauspicatas nobis stellas vehit. A. Ego verò dudum didici stellas omnes negligere, præter unam illam Iacobi stellam. A. Facile sit illas negligere, si a nobis abstinerent, & vitam relinquerent magis tolerabilem. B. Itaque a stellis esse credis vitæ nostræ amaritudines? A. Sic enim ajunt, qui cælum omne persecutantur. B. At alij negant, quibus ob id stellæ non succensent, nec vindicias immittunt. A. O nimium felices! mihi vel maxime devoto iratae sunt. B. Itané perspexisti omnem horoscopus tuum, ut nihil fortunati alicubi latere possit? A. Nihil spei superest, nisi ut quamprimum infaustam vitam finiam. B. Quod si tuo arbitrio cælum volueretur, ecquid Planetis imperares? His enim audio orbis imperium

perium potissimum conceditum. **A.** Vah quid quæris? Saturnus mihi conciliaret artifices, ♃ Principes, ♀ Nobiles, ☉ Divites, ♀ Fœminas, ♀ Literatos, ☽ omnium horarum homines. **B.** Quid si hi omnes faverent tibi, tu vero aut ineptires, aut sane ab ijs ad te nihil redundaret solidi? Mallē itaq; ego si tale quid possunt **H** Industriam, ♃ Patronos, ♀ Animum, ☉ Opes, ♀ Succum, ♀ Linguam, ☽ Accommodationem largirentur, quibus instructus ubiq; salvus & securus forem. **A.** Nimum importunus tu es, qui panem tibi vis nasci, non triticum, vinum, non uvas, indusium non linum. Itaque ab illis numinibus generaliora petenda sunt, scilicet, Saturnus corpus laboribus assuefaciat, ♃ tempus & locum commodum suppeditet, ♀ robur membris nostris, & fervorem immittat, ☉ è generoso semine nasci, vel cum eo misceri saltem permittat, ♀ faciei & formæ gratiam addat. ♀ bonam famam & nominis claritudinem conciliet; denique ☽ de opportunitate negotiorum prospiciat, quæ si impetraveris, facile erit quæ desunt adhuc addere. **B.** Valeat illa tua Astrologia, quæ cum pascere videtur jejunos dimittit, mihi quidem pro **H** Divini commercij meditatio erit: pro ♃ Cœlestis in filios & hæredes adoptio: pro ♀ constans luctæ spiritualis exercitium, pro ☉ Fidei lumen splendidissimum;

mum; pro Venere Christianæ charitatis flamma; pro Mercurio sacrorum colloquiorum facundia; pro Luna, hujus instabilis mundi, & tot aduersantium vicissitudinum demissa & silens patientia.

## 63. HÆSITATIO.

A. Quid est quod te semper video talem, id est nullum, ejus cum sis ætatis, ubi Deo & Reipublicæ seruendum? B. Quoniam res omnes sunt difficiliore, quam ut eas quisquam possit eloqui. A. Desine iraque homo esse, quibus hæc suprema lex est laborare. B. Atqui sunt laboribus sui gradus, sua pondera, quæ dum ex animo & inter se confero tempus effluit. A. Ecquid tamen præ reliquis placet? Theologia? B. Nimum austeritatis habet, nimum periculi. A. Iurisprudentia? B. Mentiri nescio. A. Medicina vero? B. Pedet locij. A. Philosophia certe? B. Metuo phrenesin. A. Philologia saltem? B. Nates detergeam? A. Mechanica fortè? B. Esurit. A. Agricultura? B. Robur deest. A. Venatio? B. Ferinum est. A. Aucupium? B. Ludicrum. A. Piscatio? B. Madefacit. A. Musica? B. Histrionica est. A. Chirurgia? B. Fœtet. A. Pictura? B. Stodiosus facit. A. Metallica? B. Fumigant. A. Fabrica? B. Fuligo displicet. A. Moletrina? B. Strepitus enecat. A. Pistrinum? B. Male audit. A. Culina? B. Apage sordes. A. Fullonia? B. Non sufficio. A. Texturinum? B. Physcabiem. A. Laniena? B. Barbarum est. A. Coriaria? B. Mori malim. A. Surtina?